

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
*Komisija za jednakopravnost spolova/
Povjerenstvo za jednakopravnost
spolova*



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ
Комисија за једнакоправност сполова

BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Broj: 01/10-02-2205/24

Datum: 22. 10. 2024. godine

PREDSTAVNIČKOM DOMU
PARLAMENTA FEDERACIJE BiH

Federacija Bosne i Hercegovine
PARLAMENT FEDERACIJE
SARAJEVO

| Primijeno: | 22-10-2024 | | |
|------------|------------|---------|------------|
| Org. jed. | Broj | Priloga | Vrijednost |
| | | | |

Komisija za jednakopravnost spolova Predstavničkog doma Parlamenta Federacije BiH (u daljnjem tekstu: Komisija) na 14. sjednici, održanoj 22.10. 2024. godine, razmatrala je sljedeći dnevni red:

1. Usvajanje zapisnika sa 13. sjednice Komisije,
2. Usvajanje Zaključaka sa 2. Tematske sjednice radnih rijela oba doma Parlamenta Federacije BiH "O odgovoru pravosudnog sektora na nasilje u porodici i rodno zasnovano nasilje",
3. Prijedlog Zakona o unutrašnjoj trgovini,
4. Nacrt zakona o posredovanju u zapošljavanju i socijalnoj sigurnosti nezaposlenih osoba,
5. Nacrt zakona o društvenom poduzetništvu u Federaciji BiH,

Na osnovu člana 44. a u vezi sa članom 66. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

Ad-1. Usvajanje zapisnika sa 13. sjednice Komisije

Zapisnik sa 13. sjednice Komisije, održane 28.5.2024. godine, jednoglasno je usvojen bez primjedbi.

Ad-2. Usvajanje Zaključaka sa 2. Tematske sjednice radnih rijela oba doma Parlamenta Federacije BiH "O odgovoru pravosudnog sektora na nasilje u porodici i rodno zasnovano nasilje"

Predsjednica je dala uvodne napomene o Zaključcima sa 2. Tematske sjednice radnih rijela oba doma Parlamenta Federacije BiH "O odgovoru pravosudnog sektora na nasilje u porodici i rodno zasnovano nasilje". Iznesene su određene dopune od strane Gender centra Federacije BiH. Usvojen je zaključak da će Komisija uputiti zahtjev rukovodstvu Predstavničkog doma da se Zaključci sa 2. Tematske sjednice radnih tijela oba Doma Parlamenta Federacije BiH uvrste na dnevni red naredne sjednice Predstavničkog doma.

Ad-3. Prijedlog Zakona o unutrašnjoj trgovini

Nakon kratkih uvodnih napomena koje je dala predsjednica Komisije, članovima se obratila savjetnica Federalnog ministra trgovine, te detaljno obrazložila Prijedlog zakona. Članovima Komisije se također obratila i zamjenica direktorice Gender centra Federacije BiH, koja je naglasila da je Prijedlog Zakona o unutrašnjoj trgovini djelomično usklađen sa zahtjevima Zakona o ravnopravnosti spolova te je dala obrazloženje i iznijela prijedloge za dopune. Komisija je jednoglasno podržala prijedlog da se u tekst Prijedloga zakona uvrste navedene odredbe, kako bi Zakon bio u potpunosti u skladu sa Zakonom o ravnopravnosti spolova. Nakon obavljene sveobuhvatne diskusije usvojen je sljedeći:

ZAKLJUČAK

Komisija za jednakopravnost spolova jednoglasno podržava usvajanje Prijedloga Zakona o unutrašnjoj trgovini te daje preporuku Predstavničkom domu da ga usvoji.

Ad-4. Nacrt Zakona o posredovanju u zapošljavanju i socijalnoj sigurnosti nezaposlenih osoba

Obrazloženje o Nacrtu Zakona o posredovanju u zapošljavanju i socijalnoj sigurnosti nezaposlenih osoba iznijela je ovlaštena predstavnica Federalnog ministarstva rada i socijalne politike. Također, članovima se obratila i zamjenica direktorice Gender centra Federacije BiH, koja je naglasila da ni Nacrt Zakona o posredovanju u zapošljavanju i socijalnoj sigurnosti nezaposlenih osoba nije u potpunosti usklađen sa Zakonom o ravnopravnosti spolova, odnosno da je djelomično usklađen sa zahtjevima Zakona o ravnopravnosti spolova te je dala obrazloženje i iznijela prijedloge za dopune. Komisija je jednoglasno podržala prijedlog da se u tekst Prijedloga zakona uvrste navedene odredbe, kako bi Zakon bio u potpunosti u skladu sa zahtjevima Zakona o ravnopravnosti spolova. Nakon obavljene sveobuhvatne diskusije, usvojen je sljedeći:

ZAKLJUČAK

Komisija za jednakopravnost spolova smatra da je Nacrt Zakona o posredovanju u zapošljavanju i socijalnoj sigurnosti nezaposlenih osoba dobra osnova za izradu prijedloga zakona, ali da je potrebno da se istovremeno ide na rješavanje pitanja aktivnih i pasivnih tražilaca posla kroz izmjene Zakona o zdravstvenom osiguranju. Također, Komisija daje preporuku Predstavničkom domu da usvoji Nacrt Zakona o posredovanju u zapošljavanju i socijalnoj sigurnosti nezaposlenih osoba.

Ad-5. Nacrt Zakona o društvenom poduzetništvu u Federaciji BiH

Predsjednica Komisije dala je uvodne napomene te naglasila kako je obradovana što se Nacrt Zakona o socijalnom poduzetništvu u Federaciji BiH našao u parlamentarnoj proceduri jer je to bio jedan od Zaključaka tematske sjednice Komisije "Ekonomsko osnaživanje žena žrtava nasilja" koja je održana 7. marta 2023. godine. Potom se članovima obratio ovlaštena predstavnik Federalnog ministarstva razvoja, poduzetništva i obrta te dao obrazloženje o Nacrtu Zakona o socijalnom poduzetništvu u Federaciji BiH. Također, predstavnici Gender centra Federacije BiH su naglasili da ni ovaj tekst Nacrta zakona nije usklađen sa zahtjevima Zakona o ravnopravnosti spolova. Članovi Komisije su podržali prijedlog da se navedene izmjene i dopune iznesene od strane Gender centra uvrste u tekst Zakona. Nakon obavljene sveobuhvatne diskusije, usvojen je sljedeći:

ZAKLJUČAK

Komisija za jednakopravnost spolova smatra da je Nacrt Zakona o socijalnom poduzetništvu u Federaciji BiH dobra osnova za izradu prijedloga zakona, te daje preporuku Predstavničkom domu da usvoji Nacrt Zakona o posredovanju u zapošljavanju i socijalnoj sigurnosti nezaposlenih osoba.

U skladu sa članom 53. Poslovnika Predstavničkog doma za izvjestiteljicu je određena Alma Kratina, predsjednica Komisije.

PREDSJEDNICA KOMISIJE

Alma Kratina, s.r.